

երկուստեք բռնել են մի մի հրեշտակներ: Թէ սոյն հրեշտակների գիրքը և թէ կոնդակի առաջին տողի նկարուածքը փոխառութիւն է այն ժամանակի ընդհանրական հայրապետութեան հրատարակած կոնդակներից:

Կոնդակի շրջանակը վերին անկիւններում կրում է մի մի հրեշտակապետի. կոնդակի ճակտին, շրջանակից ներս; նկարուած է աղաւնակերպ Ս. Հոգին ամպերի մէջ: Նկարներից և ոչ մին չունի հին հայ մանրանկարների նրբարուեստ գեղեցկութիւնը, թէև ըստ բովանդակութեան հետաքրքրական են: Պատկերների ծաւալն է՝ 0,60×0,41.

Կոնդակի առաջին բառը՝ ՅԻ՛ թռչնագիր է. շարունակութիւնը, մինչև տողի վերջը մեծ գլխապիր. իմաստի կարեւորութիւնն ի նկատի առնելով գրիչը գլխագրերի մեծ մասը գրել է կարմրադեղով: Ներկայ Հրատարակութեան մէջ ուղղահայեաց գծերը (|) ցոյց են տալիս տողի աւարտը կոնդակի ընագրում:

Սոյն կոնդակը գնել է յիշեալ պ. Յակոբ Կարանեանցը անցեալ 1915-ի ամառը հայ կամաւորներից:

